

MOLIMO O HLAHISITSE KONYANA

 A re baleng ho tsoa—ho Buka ea Mohalaleli Mareka, ke a kholoa, ke khethile ho bala nakoana le ho bua, le temana ea 46 ea—ea khaolo ea 10. A re emeng ho hlompha Lentsoe, re sa bala. Lentsoe ke Molimo. Bohle re tseba seo. Ka hona le a ema, ha le lebisa botsepeli ba selekane, athe le tlamehile; ho ema ho boka folaga ha e feta; hobaneng e sa etsetsoe Lentsoe la Molimo ha le baloa?

Ba fihla Jeriko: ha ba etsoa Jeriko le barutua ba hae a ena le bongata bo boholo, Bartimea, mora Timea oa sefov, o ne a lutse pel'a tsela a kōpa.

Ha a utloa hoba ke Jesu oa Nazaretha, a qala ho hooa, le ho re, oho Jesu, mora Davida, nkutloele bohloko.

Ba bangata ba mo khalemela ba re a khutse: a mpa a eketsa ho hooa ho feta, Mora Davida, nkutloele bohloko.

Jesu a ema, a re a bitsoe. Eaba ba bitsa sefov, ba re ho sona, Khothala, o eme; o a u bitsa.

Eaba, se lahla kobo ea sona, sa ema, sa tla ho Jesu.

Jesu a bua a re ho sona, O rata ha ke u etssetsang? Sefov sa re ho eèna, Morena, a nke ke boeile ke bone hle.

...Jesu a re ho sona, E-ea; tumelo ea hao e u pholositse. Sa bona hang, sa ba latèla Jesu.

² A re rape leng. Moea o Halalelang o moholo, re phelisetse Lentsoe lena, bosiusg bona, terameng e nyenyane ena. 'Me re bone tema ena e boela e phela, 'me, ka ho etsa hoo, re okhe tumelo ka ho re Molimo o sa ntse a phela, 'me Ke oa maobane, kajeno, le ka mehla. Re e kōpa ka Lebitso Jesu, Mora oa Hae ea ratoang, 'Moloki oa rōna. Amen.

Le ka lula fatše.

³ Sehlooho sa rōna bosiusg bona ke: *Molimo O Hlahisitse Konyana*.

⁴ 'Me joale hoseng hona re ne re kene nakong e khōlō, ha re bona Jesu a kena Jeriko. 'Me mono re fumane mothoana ea bitsoang Zakea, o—o hloele sefate sa sikamora a ipata, hobane a sa lumele Jesu e le moporofeta. Empa mohatsa'e e ne e le morutoana oa Jesu, 'me e sa le a mo rapella. 'Me ea re ha Jesu a fihla hantle tlas'a sefate, A ema, a lelala a mo bitsa ka lebitso, le ho re, "Theoha, Ke ea le uena lapeng la hao kajeno." 'Me ka hopola e ka ba ntho e ntle bosiusg bona, hape, re sa le mona, re ka qhoba ka Jesu. Re Mo kōpile hoseng hona ho tsamaea le rōna, 'me re ne re batlile ho tsamaea le Eèna, 'me ha tsoeleng pele le Eèna re haole Jeriko.

⁵ Joale, bosiung bona, tema ea rōna e buloa tulong eona eo, mane Jeriko hape, 'me Jesu o tlung ea Zakea hona joale, ho ja lijo tsa Hae—tsa Hae. 'Me ke letsatsi le batang la Mphalane, 'me e sa le hoseng haholo, le joale, 'me moea o theoha koana e—koana thabeng. Holimō tikolohong Judea, ho hlile ho a bata holimō mono, hoseng haholo, haholo nakong eo ea selemo.

⁶ 'Me naha mehleng eo, ho sa tšoana naheng eo ea khale hona joale, e tletse bakōpi. Ba bokana likoung tsa literata 'me ba kōpa. Ke... Tlase linaheng tseo le joale, literata li tletse bakōpi. India le, oh, Afrika, le libaka tse ngata, bakōpi ba sa le teng; ba shoeleng litho, ba holofetseng, lifofu, ba omeletseng litho. 'Me ka linako tse ling batho ba sa khoneng ho iphelisa, ka bo bona, ba kōpa feela, ba lule mono ka linako tse ling ba bolaoe ke tlala.

⁷ 'Na, koana India, ke ne ke theoha ka literata, ke tšoere cheletana eo ke e filoeng ke batho bana, 'me ka e fetola ho tloha ho didolara ho ea ho dirupees. Le ho leka ho—hoe aba, khele, ba tlameha ho romela sesole ho ntša seterateng; ba ne ba nkhatikela. 'me mono ho robetse mosajana oa mofutsana, a bolaoa ke tlala. Ka leseanyana, 'me le lapile hofihela letlalo manne masapong, 'me mono o ka bona moo lehata le teanang teng. Le ho u fa lesea, ho leka ho u fa lesea le tle se ke la shoa. Ha u nka *lena*, ho ka thoeng ka *lane*, ho ka thoeng ka *lena*, ho ka thoeng ka...? Oh, banna, ke uena, u—u... Ha u ka bona seo re hotollang moqomong oa matakala mona, se ka fepa batho bao, mohlomong. Ha le lemohe kamoo naha ena e hatetseng pele, ha u bona lefatše lohle le shoa ke tlala.

⁸ 'Me e tletse bakōpi. 'Me tsatsing lena, tema ea rōna ha e buloa, ho ne ho le e... Re fumana bakōpi bana bohle ba seohela, ka tloaelo, koana Jeriko, khorong e ka leboea, e tsoang tlase Jerusalema. Jeriko e ne e se motse o ruileng hakaalo. Empa Jerusalema, moišepi e moholo, nqalo e tsebjoang ea tempele, 'me—'me barui ba ne ba fallela Jerusalema, 'me e le motsehali o phatsimang. 'Me batho ba tsoang mono e le barui. 'Me bahoebi, le ba joalo, e ne re ha ba kena, nakong ea motsēhare, bakōpi bana ba hlomme metlotloane ea bona; ke molao o sa ngoloang, ba tseba hantle feela moo e mong le e mong oa bona a alileng teng, a qella bohobe ba hae, liabo tsa hae.

⁹ 'Me ba tlameha ho fihla hoseng haholo mono ha bahoebi ba kena, koana e ka ba monna eo a thuse mokōpi a le mong ka letsatsi, a nokele cheletana khetsing ea hae pele a tloha. 'Me, ehlile, mehleng eo, Roma e ne e busa Palestina, 'me chelete e le denari ea Roma. 'Me ba ne ba nka e—e cheletana, a e lahlelle mokōpi oa pele, mohlomong, 'me ebe ho lekane letsatsing leo. A ke ke a khona ho—ho nyehela mokōpi e mong le e mong. Ea kōpaneng le eēna pele, ehlile, a fumane cheletana. Ka hona ba khethile malulo a bona kantle ho likhoro, esita le pele batho ba kena motseng, bahahlaoli, le ba joalo. 'Me ba titimela khoro eo e ka leboea, haholo, ho kōpana le bahahlaoli ba hlhang le mono.

¹⁰ 'Me ha re sheba hoseng hona hoo re buang ka hona, letsatsi le qala le chaba joale, e ka ba hora ea borobong, mokōpi ea foufetseng ea batlang a fihlile morao nakong o mong.

¹¹ A bile le bosiu bo bobe. O ne a foufetse. Ebile sefofu e sa le moshanyana. 'Me o ne a fihlile morao nakong. A sa... O ne a setsoe, hoseng hoo, hobane bosiu bohole e sa le a lora a boetse a bona. 'Me a phethoha liphateng. 'Me—'me a khona ho bona, e ka re o khona ho bona, le ho tsoha ka masoabi ana, a sa khone ho bona. Ka tšoanelo, e ne e le toro feela.

¹² 'Me o ne a theohetse litulong tsa hae. 'Me ha a fihla mono, (joale ena ke terama joale, ho finyella ntliha ea ka) ho se motho mono. Ho ne ho hlahile ntho e sa tloaeleheng. Koana e sa le mashome a mararō ka morao ho robong kapa ea leshome, 'me —'me bakōpi ba se ba tlohole mono. Ka tloaelo, motho mang le mang o malulong a bona. A sa tseba se hlahileng motseng; seo re qoqileng ka sona borakefeseng ba rōna hoseng hona, re qoqile ka sona. Jesu ea keneng ka khoro 'me a kena motseng, 'me—'me batho ba bangata ba ne ba kene ho fumana tsohle tse mabapi le eona, le bakōpi ba se ba tsamaile. 'Me a sa tseba sena, a fihlile morao nakong. Re 'mona a qala a bitsa mabitso a fapaneng, 'me ha ho—ha ho motho mono. Ho batla ho le bolutu. A ipotsa, be, e ka ba e—e liofisiri tsa Maroma li ba lelekile malulong ao, kapa ho hong. Ka hona ha a utloa motho, ka hona a... Ho batla ho pholile, 'me a le matamuke le liaparo tsa hae li hlile li tsofetse.

¹³ 'Me a phopholetsa hofihlela a fumane lejoe le kantle koana letsatsing, e ka ba le helehole marakong mohla Molimo a reketlisang lerako o le liha, litšiu tsa Joshua. A lula fatše holim'a lefika lena, 'me a leka ho nahana ka toro ea hae ea bosiu ba maoba, e ka ba 'nete e kae ha a ka boela a bona ka 'nete. Empa, o—o ne a sa bone. O ne a foufetse. 'Me o qala a nahana ka lintho tsena, 'me mohopolo oa hae oa khutlela boshanyaneng.

¹⁴ U a tseba, ke rata—ke rata ho etsa hoo, ho lula le ho nahana ka lintho tse fetileng, lintho tse hlabosang, tsa litlholo tseo ke boneng Morena a li hapa, le—le mehla.

¹⁵ 'Me Bartimea, re mo tseba ka lebitso, bosiu boo a lora a buselsetsoa pono ea hae, a qala a nahana e ka ba 'nete e kae holane a ka bona ka 'nete. A nahana, "Oh, khale ke foufetse, ha ke tsebe kamoo ke tla hlola ke khona ho tsamaea." A qala a nahana ka lilemo tse ngata tse fetileng, e sa le moshanyana. A tloaetse ho bapala mono leralleng, mosikong, o lebopong moo Jordane e lepellang; 'me phula e teng tlase mane, teng ba lemme lijothollo. 'Me a lula holimō mosikong oa leralla, re tla rialo. 'Me o sa hopola botle ba ona, sehleng sa Selemo, ho—ho boha e—e lipalesa ha li hola; a li khole a li tlatsa seatla, 'me a lule fatše 'me a shebe maholimō a matle a maputsoa.

¹⁶ Le a tseba, bofofu bo a nyarosa. Ha ke bona monna, oa sefofu, pelō ea ka e a horometseha. Empa, koana, ke tseba bofofu

bo hoamisang mali, bofou ba moea; kamoo Molimo o entseng motho ho—ho Mo bona ka pono, 'me koana ha ba khone.

¹⁷ Khetlo le leng, koana serapeng sa liphooefolo sa Cincinnati, ha ke theohetse teng, 'na le morali oa re etile. 'Na ke morati e moholo oa tlahao e kantle, le a tseba. Eaba ke ba bona ba t̄soere ntsu 'me—'me ba e hlahletse hokong, 'me thaka leo la batho! Ke ile ka utloa lerata; ke t̄soere Sara ka letsoho, 'me ra—ra theohela hokong eo. 'Me nonyana e khōlō ena, e fopha mali hohle sefahlehong, masiba a foforehile. Ka nahana, "Pono e haulang hakakang!"

¹⁸ Ea theoha. Ea chechella morao ho hoko. Ea ikeka, 'me ke ena e tla, e ntse e otlyana mapheo eona hape, ho—ho batanya hlooho ea eona mekoallong ea e—ea hoko, ea otlyana lipheo tsa eona e li isa holimō-le-tlase, e leka ho tsoa hokong, 'me ea foforehia masiba. Empa e ne e hapuoe. Ea oela fulurung ka seetse ea robala mono, mahlo a eona a phethoha, ea lelala ea bona maholimo a maputsoa ao e tsoaletsoeng ona. Hoba ke nonyana ea maholimō, le a tseba. Empa, u a bona, t̄sibollo ea bohlale ba motho e mo hlahletse hokong.

¹⁹ Ka ema mono ke e shebile. Ka nahana, "Nka nehela tsohle hola nka e reka. Hola nka e reka, nka e lokolla, ho re, 'U ka ikela, oa thaka, u tla—u tla e rata. Le 'na ke joalo. Lokoloha 'me u nyolohelo koo. U lula holimō mane. U tsoaletsoe hona.'" Ka nahana, "Ke pono e haulang ho fetisa eo nkileng ka e bona."

²⁰ Ka phahamisa Sara, ka mo t̄soara liphakeng tsa ka. Ka re, "Moratuo, ke pono e haulang ka ho fetisa eo mahlo a hao a tla e bona le ka mohla."

²¹ Ka ema mono, ke nahanne. Ka nahana, "Che, ke—ke tseba pono e haulang ho feta eo. Ho sheba holimō maralleng mane; monna eo ea t̄soereng lekotikoti la biri letsohong, basali ba tenneng lishotso, sikarete." Athe ka t̄soanelo ba tsoaletsoe ho ba bara le barali ba Molimo, 'me ke bao ba kentsoe hokong ea sebe eo Satane a ba hlahletseng ho eona. E a haula, bofou ba moea, ho hlahleloa; mohlomong e be setho sa kerekere ea mofuta, ho bina k'hoaereng, empa ho hlahleloa sebeng.

²² 'Me ea re ha Bartimea a leka ho nahana morao mehleng ea boshanyana ba hae, kamoo ho ella hora ea bobeli, mantsiboea, 'mè oa hae e motle, e monyenyanee oa Mojuda a neng a 'mitsa, "Bartimea." Ea ka o boela a utloa lentsoe la hae, ha le neeletsana le potoloha maralla, 'me a nyolohe a ntse a matha. A tsoe a lule mathuleng a kapele a hotolle setulo sa khale se kotjomang, a mo sike liphakeng tsa hae. Ebe o hopola ha a ne a sheba mahlo a hae a matle, 'me e le 'mè e motle. 'Me a mo kotjomisa hofihlela a khaleha, a tle a phomole mantsiboea. Le kamoo a entseng hoo, a mo phethelo lipale, lipale tsa batho ba habo, le tsa baporofeta ba baholo le ba matla ba Molimo o e sa le o le har'a bona. Le kamoo a neng a e rata, a rata ho e utloa.

²³ Ho hobe ha bommè ba lulisa bathoana bao ka pel'a lenaneo la thelebishene la bohata bo itseng ba Hollywood; sebakeng sa ho etsa hona hoo, ho ba phethela lipale tsa Bible.

²⁴ Empa e ne e le 'mè oa makhonthe oa Moheberu, o ne a phethela mothoana eo lipale. O ne a bua, a 'molelle ka Molimo ha o no romela senatla, Moshe ea matla, mohlang oo e le makhoba tlase Egepeta. Molimo o no o tsepise Ntate Abrahama a tla ba loela. 'Me O ipontsítse e—e—e moporofeta e moholo eo Molimo a mo hlahisitseng har'a bona, a bitsoa Moshe. 'Me O tlie ka sebopinho sa Topallo ea Mollo, oa romela Moshe tlase Egepeta, 'me ka mehlolo e meholo, le meeka le lipontšo O ba ntšitse. Le kamoo lehoatateng, mohla ho seng bohobe kapa letho ho ja, koana ba ne ba tsamaea tseleng ea kutlo, 'me Molimo o theotse bohobe lipakapakeng.

²⁵ 'Me ke utloa mothoana Bartimea a re, "Mè, nakoana feela. Molimo o tlameha a be a sebelisa Mangeloi a Hae ohle holimō mane, 'me O behile maifo a maholo hohle lipakapakeng, 'me Mangeloi a sebetsa mocha-o-chele, a ntse a hlophisa bohobe, 'me a bo sutumeletsa kantle ho . . ."

²⁶ "Che, moratuo, u monyenyan haholo ho e utloisia. U a bona, Jehova ha a tlameha ho etsa joalo. Jehova ha a tlameha ho hlophisa maupa. Ke 'mopi. O e bua feela, 'me e joalo."

²⁷ Ka hona re tla reng ka Jesu, athe re Mo bone a nka hona hoo? Ntho ea borapeli e tlamehile e be e loheletsoe ho Eèna. O tlameha a be a amana le Jehova. Kajeno motho e mong o leka ho Mo etsa moporofeta feela, kapa monna oa tloaelo, kapa mofilosofe, moruti e motle. E ne e se letho le katlasana le Molimo o bonahalitsoeng nameng.

²⁸ Mono a bue 'me a 'molelle ka mohla ho tšeloang e—e—e lehoatata le leholo, lōna le le mose oane oa Jordane feela mehleng eo, le kamoo sehleng sa Selemo, mohla khoeli ea 'Mesa, e le ha lehloa le qhibiliha, holimō Judea, 'me metsi ohle a lithaba a lepella, 'me Jordane eohle e ne—e ne e tletse metsi, malumela a maholo a metsi a biloha matebong a noka. Ea ka Jehova ke moetapele ea fokolang, ho tlisa batho ba Hae mohla linoka li phophomang, li tšabeha ka ho fetisa. Ba tla khona joang ho haha borogo ho e parola? 'Me Joshua e monyenyan, kapa mothoana . . . e sang Joshua.

Empa Bartimea e monyenyan a ka re, "Mama, ebe O e khonne joang?"

²⁹ Ho re, "Moratuo, hopola, Jehova e sa ntse le 'mopi. O buile feela, 'me e . . ."

³⁰ Molimo o rata ho hlophisa lintho ho e . . . ha li hlekemane, le ho Ipontša e le Molimo. Hantle sehleng sa Selemo! Athe Lehlabula, koana u ka tšela Jordane habobebé mona, qhobosheane e tsoa motseng. Re tseba hoo, ka lihloela tse tlileng 'me tsa e fihella mona. Empa Molimo oa lumella liphula tsohle

ho tlala metsi, A ntano fihla a hotolla matla a Hae a maholo ho tsoa Leholimōng le ho hlahisa tsela e omileng ho tšela. Majoe a ne a robetse botebong mono, Joshua a kile a qhobela, e le sehopotso ho Jehova, kamoo batho ba habo bona ba kileng ba baballoa kateng. 'Me a . . .

³¹ Se seng seo a—a se ratileng haholo, e le sa e—e mosali oa Moshuneme. O ile a se hopola. 'Me 'mè a tloaetse ho mo phethela pale ea Moshuneme, le ea moporofeta e moholo, Elia, letsatsing la hae, le kamoo mosali enoa ea ileng a rekolohele moporofeta enoa. Leha koana, e ne e se Moiseraele ka 'nete. E ne e le Moshuneme.

³² A lumetse hobane Elia ke moporofeta, moporofeta e moholo oa Morena. Ka hona eitse . . . Tsatsi le leng a bolella mohatsa'e, "A re mo hahele phaposi lephakong la ntlu ea rōna, re mo rekolohele, hobane ke e—ke monna e moholo."

³³ Le kamoo tsatsi le leng mohla Elia le Gehazi, mohlanka oa hae, ba nyolohileng 'me ba bone mosa ona ohle, o itse ho Gehazi, "Kena 'me—'me—'me u botse, 'Re ka etsa'ng? Na nka bua le khosi kapa molaoli e moholo?"

³⁴ A re, "Che, ke tla mpe ke itulele le batho ba heso. Ho lōkile."

³⁵ Empa Gehazi a re, "Ha a na pelehi. O tsofetse, monna oa hae o tsofetse, 'me ha ba bana." Le ho re . . .

³⁶ 'Me Elia o tšoanetse a ba a bone pono. O itse, "Tloha, u 'molelle, HO RIALO MORENA, o tla fumana moshanyana e monyenyané." 'Me, likhoeling tse robong, moshanyana e monyenyané a fihla.

³⁷ [Sekheo lebanteng—Mohl.] . . . holile, a e na le ntata'e, kantle tšimong, kotulong, e ka ba o batuoe ke setorouku sa letsatsi. A 'na a lla, "Hloooho ea ka! Hloooho ea ka!" 'Me ntate a mo romela tlung. 'Mè a mo fara holim'a hae, a mo koietsa, 'me mohlomong a mo baballa ka lihlare tsohle tseo a ka li noang. Feela moshanyana a 'na a mpefala hofihlela, qetellong, motšeheare o moholo, a shoa.

³⁸ Le kamoo 'mènyana eo a na ke ke a hloleha! Eitsheha ntate a kena, le baahisane bohole ba kena, 'me ba lla ba hooelelitse, mothoana eo a shoele, empa a 'na a boloka tumelo ea hae ho moporofeta enoa, moporofeta oa Moheberu; eèna, e le Molichaba. O itse, "Nqhanehele mulete, 'me—'me u se—u se—se eme, ke be ke finyelle lehaha leo la moporofeta enoa, holimō koana Thaba Karmeles."

³⁹ 'Me monna oa hae o itse, "Ha se khoeli e ncha kapa ha se sabatha, 'me a ke ke a ba teng mono."

A re, "Tsohle li tla lōka."

Ho re, "Tsoelapele."

⁴⁰ 'Me Elia a 'mona a e tla, eèna le Gehazi ba tsoa lehaheng, ba sheba, ba eme kantle mono. 'Me ke enoa a e tla. A re,

"Moshuneme eane ke enoa o a tla, 'me o khathatsehile, feela Molimo o e patetse, pelō ea ka."

⁴¹ U a tseba, Molimo ha o bolelle baporofeta ba oona lintho tsohle, haese seo A batlang ba se tsebe.

⁴² Ka hona a—a sheba, 'me mosali o itse, "O a . . ." Ho re, "Tloha, u mo khahlanyetse, u re, 'Na tsohle li lutse hantle ka uena? Na tsohle li lutse hantle ka monna? Na tsohle li lutse hantle ka ngoana?"

'Me karolo eo ke e ratang ke ena, le 'na.

⁴³ Gehazi ha a kōpana le eēna, a re, "Na tsohle lu lutse hantle ka uena? Na tsohle li lutse hantle ka monna oa hao? Na tsohle li lutse hantle ka ngoana?"

⁴⁴ O itse, "Tsohle li lutse hantle." Lesea le robetse le shoele, monna o hooeletse, likeleli li rotha pelōng ea mosali, empa, "Tsohle li lutse hantle." O ne a finyeletse monna ea ka 'molellang 'me a mo hlohonolofatsa, 'me, o ne a fumane lesea, ruri Molimo o tla senola lebaka la Oona ho mo nka. "Morena o neile, Morena o nkile, ho bokoe Lebitso la Morena!" A batlile ho tseba lebaka.

⁴⁵ Kamoo a tlileng a itihela maotong a Elia, 'me Gehazi a mo emisa; ha e a tšoanela pontšeng ea mong'a hae. 'Me eaba o bolela se phoso. 'Me Elia a tloha a tsosa moshanyana, ka ho bea 'mele oa hae holim'a mothoana eo.

⁴⁶ 'Me ke batla le lemohe tumelo ea 'mè, hape. O robalitse lesea liphateng tsa Elija. Ke batla le . . .

⁴⁷ Mona ke batla ho hlakisa monahano oa Pauluse, kamoo ke nahanaang. U a tseba, Pauluse o behile liluku holim'a bakuli le ba mahlomoleng, le liaporone. Ha ke lumele Pauluse a na a sa ee ka mangolo. Ke nahana a e fumane mona. Na le hopola ntho ea pele eo Elia a e laetseng ho e—ho Gehazi? "Nka lere la ka u le bee holim'a lesea." O tsebile sohle se a se amileng se hlohonolofalitsoe. 'Me ka hona, le hopole, Pauluse ha a rapella liluku. Ba nkile feela tse amileng 'mele oa hae. E ne e le tumelo ea batho.

⁴⁸ Ka hona, u a bona, o itse, "Nka lere la ka 'me (ha motho a u lumelisa, u se ke ua mo lumelisa) le bee holim'a lesea."

⁴⁹ Empa tumelo ea mosali e ne e se lereng; e ne e le ho moporofeta. 'Me o itse, "Nke ke ka u tlohela ho fihlela . . . Ruri ka moea oa hao o phelang, nke—nke ke ka u tlohela."

⁵⁰ Eaba Elia, ho leka ho mo leleka, a tlameha ho ea le eēna. A kena a robatsa 'mele oa hae holim'a mothoana, lesea le shoeleng, la ithimola hasupa 'me la phela.

⁵¹ Khele, ha se le e—ha se le pale e khōlō eo ho mothoana enoa Barte—. . . Bartimea, mohla e sa le e—e—e moshanyana e monyenyane. O ne a rata palenyana eo, hoba e ne e le tsoho ea

moshanyana e monyenyan. E ne e le e 'ngoe ea lithatohatse tsa hae.

⁵² “Empa e ne e le matsatsing a fetileng,” athe moprista joale o a ‘molella. “Jo ’na, ke litšiung tseo Iseraele a fumaneng baholo, banna ba matla; ba baholo, baporofeta ba matla ba tsamaileng holim’ a lefatše.” Empa baprista ba itse, “U a tseba, Jehova ha a sa hloka baporofeta hape.” Ha se baprista feela ba rialong. Empa—empa ba e entse mohlang oo, “Jehova ha a sa hloka baporofeta hape. O re neile molao, ’me re haha kereke, tempele, ’me ke phetho seo re se hlokang.” ’Me le kajeno ba batla ba e lumela joalo, empa le joale Jehovah o sa lutse e le Jehovah ’me A ke ke a fetola tsela ea Hae; Ke Molimo, ’me a ke ke a fetoha. Joale ba lumetse hoba hoo—hoo ke phetho seo ba—ba se hlokileng.

⁵³ ’Me ea re a sa lutse mono a hapuoe torong ena ea hae ea motše share, ka mokhoa oo, a ntse a e hopotse, mahlo a hae a foufetseng a lelala nqa letsatsi le futhumetseng; hang feela, a utloa liqi tsa lithaku tsa mulete o monyenyan li lepella ka—ka tsela e majoe, e tsoang tlase Jerusalema, majoe a hlabang, e kena. Ea re, ’me a mamelisa, ’me motho ea roetseng meqathatso a titima ka pel’ a mulete o monyenyan. ’Me a tseba eka khone e be e le monna oa morui, ka ha leeto la hae e ne e le la mulete a bile thapile mosebeletsi ho etella mulete.

⁵⁴ Eaba o a phahama, a tseba a tlameha ho fumana cheletana ho—ho phela. Eaba o a phahama a itšopha ka kobo ea hae, e le kojoana e matamuke, a mathela mahareng a seterata, a re, “Ke kōpa monehelo. Ke siiloe ke nako hoseng hona. Na u ka mpha monehelo? Ke sefov.”

⁵⁵ ’Me re utloa ho ipetsa lentsoe le hlile le le mahoashe, “Sutha tseleng, mokōpi! ’Nā ke mohlanka oa Jehovah. Ke moprista. Ke tsoa tlase Jerusalema, ke ronngoe ke setlamo, ho khina kōpano e tsoeletseng eo ea pholiso mona hoseng hona e—e Jeriko. Ke tlameha ho kōpana le baena tlase mona le ho hlokomelo hore ntho eo e se tsoelepele, ea tšoara batho. Ho na le moporofeta oa bohata naheng, u a bona. Re a . . . ha re utloa O Jeriko hoseng hona, ’me ke tseleng ea ka. Siroha tseleng!” Moprista. “’Me, ho lōkile, mohlanka, u ka ikela.” ’Me mulete o monyenyan oa tloseletsa o terepela.

⁵⁶ Ebile mokōpi o phopholetsa ho fihlela a tšoere lejoe, ho lula fatše. A tsoelapele ka litoro tsa hae, ’me a qala a nahana, “Kantle mane tselaneng moo ke neng ke eme teng; ha se khale haholo, moporofeta e moholo ea matla, Elia le Elisha, ba tlide, sephaka ka sephaka, ba theoha ka tsela eona eo, ka sephaka le sephaka, ba theohela Jordane. ’Me Jordane e tla phetleha hape. ’Me ka mose o mong, molemong oa moporofeta enoa oa khale ea khathetseng, Elia, koloi ea Mollo le lipere tsa Mollo, li ne li qhanehiloe lekaleng la mofuta mono, ho mo isa hae. ’Me a tla bona enoa, Elia e mocha. Elisha a tla hetla ’me a bone tšebetso

ea hae ka pel'a hae, se larileng ka pel'a hae. A tlameha ho bea moporofeta enoa leihlo."

⁵⁷ 'Me ke a kholoa Bartimea o itse, "Holane ka phela letsatsing leo, 'me ke lutse mona, nka be ke titimetse baporofeta bao, ho itiha ka sefahleho, le ho re, 'Oh, moporofeta oa Molimo! Nthapelle, 'me Jehova o tla mpuseletsa pono ea ka.' Empa moprista o re, 'Hoo, ntho e joalo e fetile. Ha re sa e fumana. Jehova ha a sa folisa ka matla a Hae, hape. Re na le lingaka le lintho tse etsang hoo. 'Me ha re sa hloka hoo hape, ka hona Jehova ha a sa folisa. E ne e le letsatsing le fetileng. Re mpa re boloka molao. 'Me re a kula, re a shoa re ea Leholidōng, 'me ke phetho. Ke phetho seo re se hlokang."

⁵⁸ Eareha a qala a nahana, a hopola ke hona. Lijarete tse sa feteng makholo a mahlano ho tloha moo a lutseng; hoba Iseraele e tšelete 'me e thakhise kampo, tsohle li behiloe ka malulo, litente tsohle ka malulo, ba emetse litaelo tsa ho hoanta ba nyolohela Jeriko. 'Me mohlomong lona lejoe leo a lutseng holim'a lona e ne e le leo Jehova a le lihileng hona e—hona marakong.

⁵⁹ Le ho re, "E nahane feela! Ha se khale mona, mohale e moholo, Joshua, oa senatla, mohlanka ea matla oa Molimo, o tsetse noka, ka nako ea Sehla, ba thakhisa litente, hantle ka pel'a sera. Tsatsi le leng, ha ke hlahloba maqheka a hae ho futuhela Jeriko, mantsiboea a mang ha a tsoa, kapa hoseng ho hong, ha a hlahloba liheke kahohle, le boholo ba tsona. Ba ne ba khona ho beisa makoloi holim'a lona, lipere, tse 'maloa mabapi, li pota khoro. Eaba Joshua o shebile. 'Me a shebile 'me a itšetlehile ka lerako, eaba mono ho ema Monna ea tsomutseng sabole ea Hae. Joshua a tsomula sabole ea hae 'me a Mo khahlanyetsa. Joshua a hooeletsa, ho re, 'Ana U oa rōna kapa U oa lireng tsa rōna?' A re, 'Che, Ke Molaoli oa makhotla a Morena.' Joshua e moholo a lahlela sabole ea hae fatše, a rola heleme ea hae 'me a itihela maotong a Hae."

⁶⁰ Sefofu Bartimea a ntse a nahana, "E ne e se maoto a fetang lijarete tse makholo a mahlano ho tloha moo ke lutseng hona joale. Moo lekhotta le matla la Morena, Molaoli oa makhotla, le Joshua a ile a inama maotong a Hae. Oh, hola ka lula litenteng tseo mono, ke foufetse mohlang oo, nka be ke kōpile Molaoli ea matla oa makhotla a Morena hore A ka mpuseletse pono, 'me A ka be a entse hoo." Le hanyenyane ha a tseba hoba eèna Molaoli eo o ne a le bohole ba lijarete tse katlase ho lekholo ho tloha ho eèna.

⁶¹ Re etsa liphoso tsa rōna moo, bosius bona. Re leka ho suthisetsa khanya eohle, le Kreste, morao koana mongoaheng o mong. Bibebe e boletse, "Ke oa maobane, kajeno, le ka mehla." O mokaalo mona ka mohahong ona, bosius bona, joalokaha A tsamaile Galelea kapa Jerusalema.

⁶² Molaoli e moholo eo o ne a tsoa lelapeng la Zakea, 'me batho ba ne—ba ne ba Mo emetse kantle.

⁶³ Metsotsong e 'maloa, o utloa lerata, 'me lerata le ne le momme lentsoe le tsoakaneng.

⁶⁴ E mong a re, "Hosanna ho Moporofeta ea tlang ka Lebitso la Morena! Ho bokoe Moporofeta oa Galelea, Mohlanka oa Jehova!"

⁶⁵ Ba bang ba itse, "Ha re batle Motho ea joalo! Re ke ke ra lumella Sena motseng mona." 'Me ha ba tsoa, 'me ba bang ba Mo kurutletsa ka apole e butsoitseng pheqe, nakong eo A tsoang hekeng.

⁶⁶ 'Me o—o ne a eso utloe letho le joalo, ka hona a re, "Ho etsahala'ng? Lerata lee ke la'ng? Ho etsahalang tikolohong ena mona?" 'Me batho ba hatellana.

⁶⁷ Ka morao ho nakoana a utloa lona lentsoe la moprista ea neng a theohile ho susumetsa mokhatlo ho se lumelle kōpano. A mo utloa a re, "Ho thoe U tsosa bafu. Joale re fumana mabitla a tletse bona holimō mona leralleng, re ke re U bone u nyoloha le ho tsosa ba bang pontšeng ea rōna."

⁶⁸ Empa, u a tseba, O ne a habile Jerusalema, ho nyoloha ho ea thakhisoa. Libe tsohle tsa lefatše li le holim'a Hae, 'me A ea Jerusalema ho nyeheloa e le sehlabelo. 'Me ba somme ba iqabola ka Eèna; 'me ba bang ba Mo hlohonolofatse, le ba bang ba Mo rohaka. Joalokaha e etsahala bonnyane kōpanong e 'ngoe le e 'ngoe moo A leng teng; ba bang ba Mo emela, ba bang ba khahlano le Eèna. Empa o bonahetse e sa Mo hlophe. A tsepamisitse sefahleho sa Hae nqa ho phethela pheo ea Hae. 'Me O tsoelapele, ka botsitso, ha A tsoelapele, a shebile nqa Jerusalema. 'Me A teetsoe hare ke bannana ba leshome le metso e 'meli, ba leka ho phoka letšoile. 'Me ba bang ba leka ho Mo ama. 'Me ba bang ba hooeletsa 'me ba Mo soma, le—le joalo.

⁶⁹ 'Me letšoile la batla le hatikela leqheku la sefofu, e leng setšoantsi sa rōna bosuong bona, 'me ba mo katelletse fatše. 'Me ha re re ho na le mofumahali e mosa, e mocha ea tlileng, mohlomong e le moena oa Rebeka oa pale ea rōna hoseng hona, kapa e ne e le e—e molumeli ho Kreste. 'Me o ba bone ba qhela leqheku la monna, 'me a 'mona a . . . ba se mosa ho eèna. Empa ka ho ba molumeli ho Jesu, a le mosa haholo. E etsa joalo ka mehla. E hlahisa tsotello ho metsofe le ho ba hlokang. 'Me mothaka oa khale esale a hatelloa, eaba o inama ho mo phahamisa. A . . .

⁷⁰ E ka ba o itse ho eèna, ntho e kang ena, "Mofumahatsana, nka bolela, ka lentsoe la hao, u mofumahatsana."

⁷¹ "E, ke eèna. Na u ka ema, ntatemoholo? Ba ka tloha ba u lematsa."

⁷² A re, "Ebe e—e lerata lee ke la'ng? Pherekano eohle ke ea'ng, ho phethesela ho kantle mona? Ho etsahala'ng?"

⁷³ “Khele,” a re, “ha u a utloisia hobane Jesu oa Nazaretha, Mora oa Davida, o motseng? Ke Eèna ea fetang, Moporofeta oa Galelea. Athe ha u tsebe?”

“Che, ha—ha—ha ke eso utloele ka Eèna.”

⁷⁴ “Be, e re ke u joetse se hlahileng motseng hoseng hona. Na u tseba Zakea, monna oa reshurente?”

“E.”

⁷⁵ “E sa le a batla a sehölla ka mehla. Mohatsa’e e ne e lemolumeli. ’Me hoseng hona, Zakea, holimō sefateng, ho sheba Jesu ha a feta. ’Me bohole re a tseba Ke Moporofeta. ’Me eareha A feta, A ema a lelela a bitsa Zakea ka lebitso la hae; a eso fihle Jeriko pele.”

⁷⁶ Moköpi oa khale a relimoloha. A re, “Ke eona phethahatso ea Deuteronomia 18:15, ‘Morena Molimo oa rōna o tla hlahisa moporofeta ea joaloka Moshe.’ E tšoanetse e be e le Eèna. Ha e le Eèna, O kae hona joale?”

“O batla a le bohole ba lijarete tse lekholo tlase tseleng.”

⁷⁷ O se a mo fetile, a nahana. A qala a hooeletsa ke hona, “Jesu, Uena Mora oa Davida, nkutloele bohloko. Nkutloele bohloko, Oho Mora oa Davida. Ha U ntse u feta, nkauhele.”

⁷⁸ Joale, ka nama, A ka be a sa utloa lentsoe la hae, ka baka la moferefere ohle. Ba bang ba Mo rorisa le ba bang ba Mo boka, le ba bang ba Mo rohaka. ’Me, moferefere, A ka be a sa—a sa Mo utloa le ka mohla.

⁷⁹ Empa E ne e le Lentsoe. ’Me ha moea o hooeletsa; joaloka mosali eo oa phallo ea mali, ea amileng seaparo sa Hae. Bibele e boletse, “O ile a ema tsi.” Ea Mo emisa tsi. E nahaneng, e nahaneng feela; hore e—e sello sa sefou se le seng, sa moköpi oa leqheku le sa tsebisahaleng, athe libe tsa lefatše le moroalo o no o le holim’ a Hae, ho ea Jerusalema ho ba sehlabelo sa sebe, koana sello sa moea o le mong se Mo khinne le ho ema tsi.

⁸⁰ Ke oa maobane, kajeno, le ka mehla. Sello se le seng, bosiung bona, se tla Mo theolela temeng, joaloka ha se entse mohlang oo. Kamoo e sa le A tšoana!

⁸¹ Ke a hopola, bosiu bo bong ha ke tsoa Dallas, Texas. Ho se ho fetile lilemo tse ’maloa. Ke ne ke liehisitsoe mane—mane Memphis. ’Me ba nkenya holimō mono hoteleng e tummeng, ba tsamaiso ea lifofane, Peabody Hotel. ’Me ba ntsebisa ba tla mpitsa hoseng ho hlahlamang, ka nako ho tsoara koloi ea limousine, ho khutlisetsoa sefofaneng.

⁸² ’Me ka robala hamonate bosiu; ho tsoha hoseng ho hlahlamang, ke ngotse mangolo a ’maloa, a tla isoa tlase posong, ho a romela. Ka tsoa ka theoha ka seterata. ’Me hang feela, ka utloa Ntho e reng, “Ema, ’me u khutle.”

⁸³ Be, le tseba kamoo batho ba tleloang ke maikutlo. 'Me ka nahana, "Be, mohlomong e ne e le eona."

⁸⁴ Ho tsoela pejana, Ea 'na ea re hape, "Ema, 'me u khutle."

⁸⁵ Be, ka—ka khohlela k'honeng, letseka la senatla la Moirishi le eme k'honeng mono, 'me ke sa . . . Ke shebile litoloki tsa lihlapi le lintho, fesetereng. 'Me nka tšoha ke eme nakoana e telele 'me a ka mpelaela ke batla ho nka e 'ngoe ea litoloki tseo, ka retoloha ke hona ka khutlela morao. 'Me ka khutlela morao, ke potlaka, ke potlaka, 'me ka feta pel'a hotele, ka theohela nqa noka, tlase koana. Ha ke tsebe, kea kholoa nka fumana sebaka, bosiung bona. 'Me ka nahana, "Nako ke ena e a tsamaea, empa Ntho . . ."

⁸⁶ Le lumela ho tsamaisoa ke Molimo? [Phutheho e re, "Amen."—Mohl.] 'Me ha ke theoha joalo, ka—ka . . . Ho ne ho phirima 'me ka tseba ke lōkela ho potlaka, empa Ntho ea 'na ea re, "Tsoela pele, tsoela pele."

⁸⁷ 'Me ke se ke batla ke siiloe ke nako haholo ho khutla le ho tšoara sefofane sa ka, ka nahana, "Be, ke—ke tšoanelia ho sala boëtäpele bona morao." 'Me ka tsoa tsoa ke bina sefelanyana sena sa khale, ke sa tsoa kōpana le lōna batho ba Pentekosta, ka:

Ba ne ba phuthehile phaposing e holimō,
'Me bohle ba rapela Lebitsong la Hae,
'Me ba kolobetsoa ka Moea o Halalelang,
'Me matla a tšebetso a fihla.

⁸⁸ Na le utloile sefela seo le ka mohla? "'Me ha se le thabo hore ke e mong oa bona." Ke ntse ke leka ho phetha hape, ho re:

Tloo, moena oa ka, batla leseho lena
Le tla u hloekisa sebe pelōng.

⁸⁹ Ke ntse ke tsamaea, ho theosa seterata, ka sheba, 'me mono ho eme sekai sa khale sa Aunt Jemima a itšetlehile a okametse motero, le nthoana, ntlo ea batho ba 'mala, nthoana, ho kang motlotloana o ferefiloeng bosoeu, a itšetlehile holim'a motero. A thatetse hlooho ka hempe ea monna.

⁹⁰ 'Me ka khaotsa ho bina ka qala ka tsoelapele. Ke sa tsebe moo ke eang; O itse, "E-ea, 'no tsamaee." 'Me ha ke mo atametse haholo, ka 'mona a batla a bososela. 'Me ka mo talima, 'me ka sokolla hlooho ea ka ka tsoelapele.

⁹¹ A re, "Lumelang hoseng hona, moruti." Joale, ka Boroa, parson e bolela "moreri."

'Me ka—ka re, "Lumela hoseng hona, mangoane."

⁹² Ka hetla, 'me nahana, "A tseba joang hoba ke moruti?" 'Me ke sa tšoara Bibebe kapa letho.

Ka khutla. Ka re, "Ua tseba joang hoba ke moruti?"

A re, "Ke tsebile hobane u a tla."

'Me ka re, "Ho batla ho makatsa, ho 'na."

⁹³ 'Me—'me a re, "Na u balile Bibeleng ka mosali oa Moshuneme?"

Ka re, "Oh, e, mofumahali."

⁹⁴ A re, "U a tseba, o ne a sa khone; a se na thari, a sa khone ho fumana bana."

Ka re, "E, mofumahali, ke hopola pale eo."

⁹⁵ Ho re, "'Me o ne a tsepisitse Morena, 'me a tla holisetsa lesea leo ho Morena, ehlile." Le ho re, "U a tseba, ke ne ke le mosali oa mofuta oo." A re, "Ke ne ke se na bana, mohatsa ka le 'na." Le ho re, "Ke ne ke tsepisitse Morena, hola A mphä lesea, ke tla le holisetsa ho Eëna." Ho re, "O ile a mphä lesea." Le ho re, "Ke holisitse moshanyana eo ka bokhoni ba tsebo ea ka, ho sebeletsa Morena." A re, "Empa, u a tseba," a re, "o ile a fapoha le mokhatlo o phoso, 'me o tšoeroe ke e—e—e boloetsoe 'meleng oa hae." Le ho re, "Ngaka ea monna e batla e mo hlabile linalete tsohle tseo e ka li hlabang. 'Me bo se bo kene," ho re, "mali a hae ke 'nekopanya, maloetse a batho," mokaola. 'Me ka hona ho re, "Karolo ea mali a hae e rotha e khutlela pelöng. Pelö ea hae e masoba." Le ho re, "O robetse ka mono, o ilibane." Le ho re, "Ngaka ea monna e ne e tlide, matsatsi a mabeli a fetileng, le ho re, 'Ha a sa tla tsoha le ka mohla. Ho felile ka eëna.'"

⁹⁶ Le ho re, "Ha ke khone ho shebella lesea la ka le shoa joalo." Le ho re, "Eaba ke—ke—ke rapela bosiu bohole, 'Morena, haeba U tlil'o mo nka . . . U mphile eëna; empa ke—ke—ke batla ho mo utloa a re o pholositoe, ke tsebe hobane ke tla kōpana le eëna hape.'" Le ho re, "Ke—ke rapetse, 'me ka rapela thapelo e kang e hlahisitsoeng ke mosali oa Moshuneme."

⁹⁷ Le ho re, "Ka—ka khaleha, 'me ka lora toro." A re, "'Me ka re ho Morena, ho re, 'U mphile lesea.' Le ho re, 'Ke ne ke tšoana le mosali oa Moshuneme, empa moporofeta oa Hao o kae?' Le ho re, A re, 'Sheba, ea tläng mona.' 'Me ka bona monna 'me katibanyana e le lehlakoreng la hlooho ea hae, a tenne sutu e putsoa, a theoha ka seterata."

⁹⁸ Le ho re, "E ka ba hora ea bone hoseng hona." A re, "Ke eme mona ho tloha nakong eo."

E sa ntse e le Molimo. O araba lintlheng tse peli.

⁹⁹ Ka re, "Lebitso la ka ke Branham. Ke rapella bakuli. Na u utloetse ka bosebeletsi ba ka?"

¹⁰⁰ A re, "Che, monghali, Moruti Branham, ha ke eso utloele ka uena." 'Me a re, "Na u ke ke ua kena?"

¹⁰¹ 'Me ka tloha ho bula heke. E e le fense ea khale mono, 'me hekeng ho leketlile ntlha ea mohoma, joaloka morao Arkansas. E ne e le mose oane oa noka feela ho tloha moo, le hona, le a tseba e ne e le eng. Ka bula heke 'me ka kena.'

¹⁰² Ha ke kena lelapeng leo. Ke etetse lipaleisi tsa likhosi, likhosi tse tharo kapa tse 'ne tse fapaneng; khosi ea Engelane, Khosi Gustav oa Swedene, litulo tse ngata, ho kena le ho ba rapella. 'Me ke kene malapeng a botle bo tllokamang, ke a kholoa, koana Hollywood. Empa ha ke eso amoheloe ho feta joaloka ho eo. E ne e le phaposi e pala feela ea khale, ea liphaposi tse peli, kokoisi e le ka morao, phaposinyana ea ho robala ke ena mona, le bethe ea khale ea phostara. Lebota le ne le sa manehoa litšoantšo. Empa letšoao le teng mono, le re, "Molimo a hlohonolofatse lelapa la rōna."

¹⁰³ Ka sheba, ea robetseng mono, e le senatla sa moshanyana oa monegro, a ka ba lilemo tse leshome le metso e robeli, e le senatla, se matla, moshanyana ea shebehang a koenne. 'Me a tšoere kobo letsohong la hae, 'me a ntse a tsetsela, "Uh! Uh!"

'Me ka re, "Molato ke'ng ka eèna?"

¹⁰⁴ A re, "O—o nahana hore o kantle koana leoatleng le lefifi, o lahlehile. Le ho re, ha a phetse ho re o 'lahlehile, kantle leoatleng,' 'me ha a fumane tsela ea hae. O nahana hore o ntse a soka seketoana." Ho re, "Esale a etsa joalo matsatsi a mabeli kapa a mararo." Le ho re, "Nke—nke ke ka mo lumella feela ho shoa ka tsela eo." Ho re, "Na u tla mo rapella?"

Ka re, "E, mofumahali."

¹⁰⁵ Ka qala ka qoqa ka pholiso. A sa e thahaselle. A batlile ho mo utloa a re o pholositsoe. A thahasella hoo feela, hore o pholositsoe. 'Me ka—ka re o a . . .

¹⁰⁶ A tloha a tšoara hlooho ea hae a mo hulela morao, a mo aka lerameng, 'me a re, "Molimo a hlohonolofatse lesea la mama."

¹⁰⁷ 'Na ke eme mono ke e shebile, ka nahana, "Yaa, yaa, ke eona." Ho sa tsotelehe sekhobo seo a se lihetseng lelapeng, o bohole bo bokakang, ho sa tsotelehe bothata boo a kenang ho bona, e sa ntse e le "lesea la mama."

¹⁰⁸ 'Me ka nahana, "Bibele e itse, 'Leha 'mè a ka lebala lesea la hae le anyang, ha e le 'Na nke ke ka u lebala. U . . .' Lerato leo le le kakang! 'Mabitso a lōna a ngoliloe liatleng tsa matsoho a Ka."

¹⁰⁹ A mo aka. Ra khumama fatše. Ka lula maotong a bethe. Ka bea matsoho a ka holim'a maoto a hae, a ne a chesa, a le mongobo.

¹¹⁰ 'Me ka—ka re, "'Mangoane, na u tla rapela pele?" 'Me, motsoalle oa ka, ka tseba hobane o kile a qoqa le Eèna pele. Oh, thapelo e kakang ea hae ho Molimo!

Eaba o re, "Na u ka rapela?"

'Me ka re, "E, mofumahali."

¹¹¹ Ka re, "Ntate oa Leholumō, bonnyane ke morao ka hora sefofaneng. U mpoleletse ho—ho theohela mona, ka 'na ka tla feela. 'Me ha ke tsebe haeba e le hona moo U no u mpatlile teng,

kapa che, empa mona ke hona moo ke emeng teng. Haeba U nthomile ho rapella moshanyana enoa . . .”

¹¹² ‘Me nakong e batlileng ho ba eona eo, a re, “Oh, mama!”

A re, “Ebe lesea la mama le batlang?”

¹¹³ Ho re, “Ho ntse ho ela ka phaposing.” Metsotsong e batlileng ho ba mehlano, ke ha a lutse betheng.

¹¹⁴ Ka titima ke tsoa, ho theoha ke tloha. Ka nahana, “Be, nka tšoara tekisi feela, ke phetho, ’me ka lebalisa letsatsi le leng, kapa neng mohla ke tšoarang sefofane se seng.”

¹¹⁵ Ha ha ke kena ka khoro feela, ke le morao ka lihora tse peli mohlomong, ka mo utloa a re, “Memo ea ho qetela ho nomoro ea mashome a tšeletseng a metso e supileng, ho ea Louisville, Kentucky.”

¹¹⁶ Eng? Eng? Boikemelo ba Molimo! Ua bona? Thapelo le tumelo ea mosali eo oa mofumanehi, mothoana, ea sa tsebisahaleng, mosali oa monegro, ea thakhisa sefofane seo ea se liehisa mono. Ke Molimo o tšoanang le o ka emang ’me oa khelohela ho moköpi oa sefou mane—mane marakong a Jeriko. Ke Molimo oo oa maobane, kajeno, le ka mehla. Tumelo e sebetsa hoo. O batla hore u e lumele.

¹¹⁷ Ebile, lilemo ha li batlile li le peli hamorao ha ke haola mono ka terene, ke eta, ho khutlela Phoenix. ‘Me, u a tseba, ba u lefisa bokana ka lisemenchisi tseo, ka tloaelo ke leka ho theoha seteisheneng ho reka lihambega, sephuthelo se tletseng tsona, ho ntjara hofihlela ke theoha, hoba lisemenchisi tsa khale tse nyenyane tse sehliloeng hasesane tse lehlakore le leng li u ja lisente tse mashome a supileng a metso e mehlano. ‘Me—’me eona, joale, e mpe tiile. ‘Me eaba ke—ke tlola mane Memphis. ‘Me ho motho ea kileng a fihla Memphis, u tseba kamoo terene e emang mona tafoleng e phethohang. Ka tlola mono ka titmela tafoleng ea hambega.

Ka utloa motho a re, “Malume mono, Moruti Branham!”

¹¹⁸ Ka qamaka, mona ke ha ho eme katiba e khubelu, a qethohile. Ka re, “Malume, mora,” ka qala ka khutla.

Ho re, “Uena, ha u ntsebe, ha ke re?”

Ka re, “Che, ha ke lumele joalo.”

¹¹⁹ Ho re, “U a tseba, u no u etele tlung ea heso tsatsi le leng.” Le ho re, “Mama oa ka o ne a eme kantle, ’me ua mo phathatsa mokokotlong, o kolobileng.”

Ka re, “Ha u moshanyana eo?”

¹²⁰ Ho re, “E, ke eëna.” A re, “Yaa, ke—ke moshanyana eo.” A re, “Ha ke—ke a fola feela,” empa ho re, “Ke—ke—ke pholositsoe haesale, le hona.” Ka hona, ntho eo, e ne e le eona.

¹²¹ Oh, mohau o mohlolo! Oona Molimo, oo sefou se kōpang se ka O emisang, motho ea sa tsebisahaleng, mothoana, mosali oa

monegro o kile a tsetela sefofane. Lithapelo tsa hae le tumelo ho Molimo! O ne a e lumela.

¹²² Jesu a ema tsi. Sefahleho seo sa sefofu sa mokōpi se Mo khinne tsi mehlaleng ea Hae nka rata ho fuoa masiu a 'maloa, ho rera seholoho seo, "Me eaba Jesu o ema tsi." Empa eaba O eme mono, ho re, "Mo tliseng mona." Amen.

¹²³ Ke balile pale ea sefofu Bartimea, mona nakoana e fetileng, ke tšoarane le nalane ea Bibele. E ka tšoha e le tšomo, empa ha thoe esale a lumetse pholisong. Ho sa tsotelehe seo baprista ba se buileng, a 'na a e lumela. Ha thoe e ne e le monna ea nyetseng, a e na le mosali, le ngoana a esong ho 'mone le ka mohla. A batla a le lilemong tseo mohlang oo, a batlile a le leshome le metso e tšeletseng. A eso 'mone le ka mohla. Ha thoe seo a se entseng bakeng sa e—e . . .

¹²⁴ U a tseba, u tlameha ho itholla ho fapanang le hoa mothaka e mong, ha u le mokōpi, ho seng joalo ha u hule maikutlo a batho. Koana India, ba—ba lokolla mongoose 'me o bolaea cobra, le seo ba se hlakisang ho hula maikutlo. Ke bona e—e manki a tsoara thupa a batola bolo, seterateng, ntho e itseng, e ngokang maikutlo, ba ntano ba nehela chelete.

¹²⁵ 'Me ha thoe Bartimea o ne a ruile maebakhoroana a mabeli, a etsang menyakoe, nthoana e kang. . . . a t'sethemana holimō, 'me a thabisa e—e batho, bahahlauli, 'me ba mo nehele cheletana.

¹²⁶ 'Me ho thoe bosiu bo bong mosali oa hae—oa hae a kula haholo. 'Me tlisa ngaka,' me ngaka e itse, "Bartimea, ha ho letho leo nka le etsang. Eëna, ha ke khone ho pshatla feberu eo."

¹²⁷ 'Me ho thoe a phopholetsa a ithatika ka lerako, a fihla a tsoela kantle ho ntlu, le ho re, "Jehova, ke a U rata. Ke lumela ho Uena. Ha ke khone ho U nyehela letho. Ke tšoere maebakhoroana a mabeli mona, a mphelisang. Empa ha U ka thusa mosali oa ka ea ratehang ho lula le 'na le ho nthusa ho holisa ngoana oa ka; 'me koana ke sefofu, ha ke bone; ha U ka lumella mosali oa ka ho hlaphohelo a tle a nthuse, ke tla U tšepisa, hosane ke tla hlahisa sehlabelo se seholo. Ke tla nyoloha ka maebakhoroana a ka, seabo sa nyehelo ea ka."

¹²⁸ Be, ho thoe mohatsa'e o ile a hlaphoheloa. Ebile o nka maebakhoroana a nyehela.

¹²⁹ Nakoana ka morao ho moo, ngoanana oa hae a kula. Le eèna a lutse ntšing tsa lefu, a tsoa ho ea boela a rapela. A re, "Jehova, ha ke a salloa ke letho, empa ke na le konyana." 'Me mehleng eo, konyana e be e tsamaisa lifofu sa ntja-ea-mahlo joale, li ne li koetlisitsoe ho tsamaisa lifofu. 'Me a ruile konyana e mo isang koung eo a kō pang ho eona. O itse, "Se ntšaletseng feela, Jehova, ke konyana ena." Le ho re, "Ha U ka phelisa ngoanana oa ka, leha koana ke eso 'mone, empa ke fuoa matšeliso a maholo ha matsoho a ka a pholla moriri oa hae." Le ho re, "O a nthata, le-

'na ke a mo rata." Le ho re, "Jehova, ha U ka mo phelisa, ke tla—ke tla U nyehela konyana ea ka, e le sehlabelo."

¹³⁰ Eaba ngoanana oa hae o a hlaphoheloa. 'Me e ne e le enoa, a theohela tempeleng ka konyana. 'Me moprista o tsoile a ema seotloaneng, le ho re, "Sefofu Bartimea, u habike kae, hoseng hoo?"

¹³¹ A re, "Ke ea tempeleng, ho nyehela konyana ena e le sehlabelo."

¹³² "Oh," a re, "sefofu Bartimea, u ke ke ua etsa joalo." Ho re, "Ke tla u behela cheletana, 'me u ka ea e—e masakeng, ua reka konyana ua e hlahisa."

¹³³ A re, "Ha ke a tsepisa Molimo konyana. Ke tsepisitse Molimo konyana ena."

¹³⁴ A re, "Empa, sefofu Bartimea, u ke ke ua nyehela konyana eo, hoba konyana eo ke mahlo a hao."

¹³⁵ A re, "Ha nka phethisa ho Jehova tsepiso ea ka, O tla baballa mahlo a ka ka konyana."

¹³⁶ Eèna, hoseng ho maruru hona ha Mphalane, Konyana e ne e hlahiselitsoe mahlo a sefofu Bartimea. Ho re, "Mo tliseng koano." A bea matsoho a Hae holim'a mahlo a hae, 'me Konyana e hlahisitsoeng ea Molimo e tutubolotse mahlo a hae.

¹³⁷ Metsoalle, ua tseba, ho ka boleloa tse ngata paleng ena ka leeto la Hae le eang thakhisong, feela re tla e thonaka hamorao tsamaong ea nako. Na le a tseba, eona Konyana eo e hlahiselitsoe mahlo a hao bosiung bona, hape? Eona Konyana eo e teng mona bosiung bona. Molimo o hlahisitse. A ke ke a nka e 'ngoe, a ke ke a nka e 'ngoe le ka mohla. Eo ke Konyana ea Molimo e hlahisitsoeng. Na le lumela seo? [Phutheho e re, "Amen."—Mohl.]

¹³⁸ Ke shebile tshupanako ea ka, ke saletsoe ke metsotsotso e mashome a mabeli pele ho leshome, 'me ke ne ke tla leka ho koala ka hora ea borobong, ho tsoa ka mashome a mararō ka morao ho robong, ka nako ea tloaelo.

¹³⁹ Empa a re inamiseng lihlooho tsa rōna nakoana feela. Ke batla mahlo ohle a koetsoe joale, le lihlooho tsa lōna li inamisitsoe. Aparang tshabo nakoana feela.

¹⁴⁰ "Oho Jesus, Uena Mora oa Davida," mokōpi o hooelelitse, "nkhauhele." 'Me a hana ho khutsa. O—o tshoanel...o—o tshoanela ho hula maikutlo a Hae. 'Me na ha le lumele sona sella sa rōna bosiung bona se ka Mo biletsha temeng hape? Se khonne mohlang oo. Hobaneng se ka sitoa hape?

¹⁴¹ Joale le sa inamisa lihlooho tsa lōna le pelō ea lona, ke batla u Mo hooeletse, "Jesu!" U se ke ua Mo bitsa Mora oa Davida, hobane Eo ha se Mora oa Davida ho uena. Ke Morena. "Jesu, Morena, nkhauhele. Tutubolla mahlo a ka a foufetseng. Ke utloile moreri enoa ea nang le rōna bosiung bona, a re U

tsepisitse ho Ipontša ho peō ea Abrahama, matsatsing a qetelo, joalokaha U entse ho Abrahama le ho peō ea hae ea letsatsi leo. U e tsepisitse, hore U Lentsoe.

¹⁴² “Masiung a ’maloa a fetileng, ke—ke bone lintho tse hlollang. O itse, ho Santa Johanne, ke a tseba, 14:12, ‘Ea lumelang ho ’Na, mesebetsi eo Ke e etsang o tla e etsa.’ ’Me mosali o amile seaparo sa Hae, ’me O tsebile bothata ba hae, ’me kahobane a—a hlakisitse tumelo e kaalo. Khele, ho lumela hobane E ne e le eēna, tumelo ea Hae ho seo mosali a se entseng, O mo tlalehile a phetse, ho re, ‘Tumelo ea hao e u pholositse.’ Le monna oa sefou khorong ea Jeriko, ntho e tšoanang. Monna ea sefateng, hoseng hona, libe tsa hae li tšoaretsoe.

¹⁴³ “Tutubolla mahlo a ka a foufetseng, Konyana. Ke tle itemohe hoba ke ka pel’ a Sefahleho sa Hae. Hore O teng mona. U itse, ‘Moo ba babeli kapa ba bararo ba phuthehileng ka Lebitso la Ka, Ke—Ke har’ a bona.’ Tutubolla mahlo a ka a foufetseng, le ho nkauhuela, Oho Konyana ea Molimo.”

¹⁴⁴ ’Me e re le sa rapela, feela ha pelaelo e lutse mohopolong oa hao, haeba pelaelo nqa efe e kile ea . . . Hona joale re mothating oa tšebeletso e khōlō ea pholiso. Ha pelaelo ea eona e kile ea boba, na u ke ke ua Mo kōpa ho phikolosa mara ohle mahlong a hao, u tle u utloisise ka ho hlaka?

¹⁴⁵ Masiu a ’maloa ana esale ke leka, ka pelō eohle ea ka, ho le bontša se seng, hore O neha kereke pontšo ea Hae ea ho qetela, pele A khutlela ho Bajuda. Monyaluoia oa Molichaba o tla bitsoa.

¹⁴⁶ [Motho o bua ka leleme le sele, a ntano koaholla—Mohl.] Amen. Joale haeba ke utloisia hantle, le sa ntse le rapela, Moea o Halalelang o a bua o ntano koaholla, Molimo o a le mema.

¹⁴⁷ Ba bakae ka mona ba ratang ho buloa mahlo ke Konyana ea Molimo e hlahisitsoeng, u tle u ‘Mone mona joale, a le teng? Na u ka phahamisa letsoho, ho re, “Molimo, tutubolla mahlo a ka a foufetseng. Lesira le holim’ a pelō ea ka le tlotsoe, Morena, ke tle ke utloisise.”

¹⁴⁸ ’Me joale O tla tsebjoa joang? Re tla Mo tseba joang? Ka tlhaho ea Hae, seo A se etsang, mesebetsi ea Hae. O itse, “Ke ’na sefate sa morara, lōna le makala.” Joale, makala a beha tholoana, e seng morara. Morara o fepela lekala. ’Me ha lekala le ka beha le ka mohla, kapa morara o ka hlahisa lekala, ha o ka bea merara; morara o latēlang, kapa lekala le tsoang morareng oo, le tla beha merara ho lona. Haeba kereke ea pele e tsoileng morareng oo, e ne e le kereke ea penetekosta, ka lineo tsohle, haeba e ka bea lekala le leng ka nèpo, ba tla ngola Buka e ’ngoe ea Liketso ho e sala morao. ’Me ba fumane hoo matsatsing a baapostola, ’me mongoaha oa boapostola ha o eso fele le ka mohla.

¹⁴⁹ Petrose o boletse, ka Letsatsi la Pentekosta, “Bakang, e mong le e mong oa lōna, le kolobetsoe ka Lebitso la Jesu Kreste tšoareleng ea libe, le tla amohela neo ea Moea o Halalelang.

Hoba pallo e etselitsoe lōna, le bana ba lōna, le ba leng hole kaofela, e leng bongata boo Morena Molimo oa rōna a tlang ho bo bitsa.” ’Me ha feela Molimo o sa bitsa, mongoaha oa boapostola o tsoelapele. “Hoba pallo,” pallo e tšoanang le ea mohlang oo, “e etselitsoe lōna, le bana ba lōna, le ba leng hole kaofela ha bona, e leng bongata boo Morena Molimo oa rōna a tlang ho bo bitsa.”

¹⁵⁰ Morena, tutubolla mahlo a rōna, le ho re lumella ho bona Konyana eo e hlahisitsoeng. U tšepisitse ho re e . . . hore U tla Itšenola matsatsing a qetelo, joalokaha U entse Sodoma, mohla Mora motho a neng a senoloa. Re a rapela, Molimo, hore U tle u e abe joale. Re bafo ba Hao, Morena. Re merara ea Hao.

¹⁵¹ Ha re na tokelo, ha re na tokelo ea ho kōpa letho; empa holane re ka e nahana joalo, re ka ba banyenyane haholo, ekabe’ba ha re letho ho hang. Empa, Morena, ha ke lelala holimō Mane ’me ke bona Konyana e hlahisitsoeng ’na, ho na le Konyana e hlahisitsoeng, ka hona Molimo ha o bone ’na, O bona Konyana ea ka. ’Me ke a tseba ha ho molato oa letho ho Konyana eo. E se e amohetsoe.

¹⁵² Joale, Morena, lumella Lentsoe la Molimo ho Ipontša har’ a rōna, bosiung bona, tumelo ea Bartimea enoa ea ka mona, e mong le e mong oa bona, le basali ba phallo tsa mali le seo e neng e le sona, le boSimone Petrose, le ba fapaneng ba leng ka mona, ba hlokang, boZakea ba sefateng. Ipontše, Morena, ka nama ea motho. Lumella Lentsoe la Hao ho phela har’ a rōna, bosiung bona, re tle re tsebe ’me re bone hobane U Molimo. ’Me leihlo lefe le foufetseng le tutuboleloe kutloisiso, Morena, e tle re ha tšebeletso e khōlo ena ea pholiso e qala, e mong le e mong oa bona a folisoe. Bana bana bohole ba banyenyane, le—le batho ba ikokotlelang ka melangaoana, le—le sohle se phoso ka bona, ka melangoana e mesoeu, ba tsebe ho tsoa mona ba tsamaea joaloka sefov Bartimea. A buseletsoa pono ea hae. Aba sena, Ntate. Re e kōpa ka Lebitso la Jesu Kreste. Amen.

¹⁵³ Joale re rapetse. ’Me joale—joale ka botšepehi joale, ka khutso, lumelang. Joale seo ke . . . Teramanyana ena, seo e leng sona, ke ’nete kapa ha se ’nete. ’Me Kreste ke oa maobane, kajeno, le ka mehla. Joale u ka Mo tseba joang?

¹⁵⁴ Ho ka thoeng hola monna a ka bitoha mona a apare kobo, a le litelu le moriri joaloka setaki ha se Mo taka, ka mehoabali ea lithakhisa letsohong la hae, le mali a qhitsa sefahlehong sa hae? E tla be e se Jesu eo. Che. O lutse letsohong le letona la Boholo; mohla A tlang, lengole ka leng le tla khumama le leleme ka leng le bolele. Ka hona . . . empa u ka Mo tseba joang? Moikaketsi ofe a ka itaka ka tsela eo ’me a itšoara joalo. Ehlide.

¹⁵⁵ Empa u tla Mo tseba joang? O joaloka ha u bona tlhaho ea Hae, Lentsoe la Hae le a bonahatsoa ’me le etsa hantle seo Le se entseng ka mehla, u tla be u tseba hoba ke Eèna. Na ho joalo? “Mesebetsi eo Ke e etsang.”

¹⁵⁶ Joale, ua bona, itumelle ho Mo lumela joale. Tloo. Se tlohele mohopolo oa hao ho tsila-tsila, kamoo batho ba buang. U se ke ua etsa joalo. Ha u tle ho Molimo, ka ho tlatselaka. U tla ho Eèena, ka bohlale, ka Lentsoe la Hae. U bea Lentsoe ka pel'a hao, le ho re, "Morena, U entse tsepiso. Ke u kòpile ho tutubolla mahlo a ka. A tumelo ea ka e emise Morena Jesu, bosiung bona. A ke a sokolohele ho 'na, le ho mpolella joaloka ha A...mosali ea entseng hoo, lilemong tse ngata te fetileng." 'Me u lumele ka pelō eohle ea hao.

¹⁵⁷ Joale, ho latèla pono ea ka, har'a letšoile, ha ke bone motho eo ke mo tsebang. Bohle le basele.

¹⁵⁸ 'Me ka linako tse ling u a nahana batho ba e fumanang e le ba kapele mona. Che, che. Koana...Ha ke tsotelle moo u leng teng, u lumele feela. Ha ke tsotelle, hohle ka moahong. U a tseba na u mang le moo u leng teng.

¹⁵⁹ Joale ho bona haeba E le oa maobane, kajeno, le ka mehla, haeba tumelo ea hao e ka Mo emisa, joaloka Bartimea ha a entse. Ha u a tlameha ho ba moköpi. Ha u a tlameha ho hooletsa joaloka eèena. Sello ha se a Mo emisa. Ha A utloa hoo. Ke tumelo e Mo emisitseng. "Tumelo ea hao!" Ha A re "sello sa hao se u pholositse." "Tumelo ea hao e u pholositse." Ua bona, "Tumelo ea hao e u pholositse." Ke hantle.

Morena a bokoe!

¹⁶⁰ Ke a ipotsa na moreri ea lutseng mane, moena e leng moholo e sa le a rera lilemo tse mashome a tšeletseng a metso e mehlano, a ka nketsetsa ka mohau? Na u tla e etsa, monghali? Bea mosali ea lutseng pel'a hao matsoho, 'me lefu la pelō le tla mo lesa. Ke hantle, ke eona. Na u a lumela, khaitseli? Ke hantle, ke phetho.

¹⁶¹ O amme eng? Ha ke eso 'mone, empa e etsahetse. "Ha u ka lumela!" Na le a lumela joale? [Phutheho e re, "Amen."—Mohl.]

¹⁶² Na hoo ho a Mo tsebahatsa? Na mahlo a lôna a bulehile? Le ka Mo sheba ke hona, Ke setsoto, mohlolí ea matla! Ha ho letho, ha ho tumeloana, ha ho bolumeli, ha ho ramahlale, kapa letho, le ka Mo khinang. Ke Molimo. Amen. Ke qholotsa motho mang ka mona ho e lumela, hore O teng joale.

¹⁶³ Ba ba kae ba kileng ba bona setšoantšo sa Lengeloi la Morena pampiring, seo ba se bolokileng Washington? O eme hantle mona kalaneng hona joale. Hantle! Ke a tseba Le teng mona. Ke a e tseba. Ha ke lehlanya. Ke hole le hoo. Ke u bolella 'Nete ea Lengolo. U e lumele 'me u bone se tläng ho etsahala.

¹⁶⁴ Mona, ke Lena hape. Mofumahali enoa e monyenyané oa 'mala ea lutseng ntlheng mono, a ntse a qamaka. Ruri, o kòpa mohau ho Molimo. Ke moreri, 'me o rapela Molimo ho mo thusa bosebeletsing ba hae. Ha e joalo, mofumahali? Phahamisa letsoho la hao, ha e le 'nete. Ha ke eso 'mone, ke molata ho

'na hakaalo ka mothoana eane, mosali oa 'mala a na a le tlase Tennessee mohlang oo.

¹⁶⁵ Ho na le monna, monna oa 'mala o lutse mono o u shebile, e batla e mo thabisitse ho tlola tekano. Na u lumela ke le mohlanka oa Molimo, monghali? U etsa hoo? Mosali eo u amme joaloka ha ba entse, ho re, "Khothala." Ha se 'na ea u bitsang, empa O a u bitsa. Ha u e lumela ka pelō eohle ea hao, lefu leo la tsoekere le tla u lesa. Na u a e lumela? Amen. Ke hantle, u ka e fumana ke hona. Amen. Ho bokoe Morena! Ke eona.

Ebe u amme eng? Ha a ama 'na. O amme Eèna.

¹⁶⁶ Mona, mona ho lutse moshanyana e mocha, e mosoeu, o lutse mona o nchebile. Takatso e tebileng e pelōng ea hae. Ha ke eso u tsebe, empa u batla kolobetso ea Moea o Halalelang. Hantle, uena. Na u a e lumela? Lumela, u tla E amohela. Na u a e lumela, mohlankana? Ho lòkile, u ka E amohela ha u ka e lumela.

¹⁶⁷ Mosali e monyenyanke enoa morao mona. O a sotleha. Ke sephaka sa hae se setšeuali. Se robehile. Se hlahile kotolana, sephaka se se tšeuali. Sephakeng se setona, o tšoeroe ke neuritis le ramatiki. O tla e fosa. Mof. Council, na u lumela ka pelō eohle ea hao? Na u lumela Molimo a tla etsa . . . U folile. Jesu Kreste o a u phekola.

¹⁶⁸ Ha ke eso bone mosali eo kapa ho utloela ka eèna, bophelong ba ka. Jehova o e tseba e le 'nete. Amen.

¹⁶⁹ Mona ho lutse, mofumahali oa 'mala. O tšoenngoa ke mathata, le lintho tse ngata. Ntho e le 'ngoe, u na le bothata ba mahlo. Ha se hobane u roetse ligalase; empa mahlo a hao a ntse a senyeha, le hona. U na le athritisi. Haeba e le 'nete, tsokotsa letsoho la hao. U na le mahlabo sefubeng. Na ke 'nete? Tsokotsa letsoho la hao. U na le bothata mpa. Haeba e le 'nete, tsokotsa letsoho la hao. U a lumela O tla u folisa? U lumela Molimo a ka mpolella u mang? Edna Gerald. Ha u e lumela ka pelō eohle ea hao, ho e lumela, 'me u ka folisoa. Amen.

¹⁷⁰ Na le a lumela Ke oa maobane, kajeno, le ka mehla? [Phutheho e re, "Amen."—Mohl.]

¹⁷¹ Ho ka thoeng ka mosali enoa ea lutseng mona ntlheng, moleng oa bobeli mona, a nchebile hantle? O jeoa ke maoto. Na u lumela Molimo a tla folisa maoto a hao? Haeba u etsa joalo, phahamisa letsoho la hao. Ha ke mo tsebe, ha ke eso 'mone.

¹⁷² Ho ka thoeng ka mofumahali ea lutseng pel'a hae? Na u a . . . Sheba nqa ena, khaitseli. Na u a lumela ke le mohlanka oa Molimo, ka pelō eohle ea hao? U na le neuritis e u hlophang. Ha e le 'nete, tsokotsa letsoho la hao. Joale u ka folisoa.

¹⁷³ Mofumahali ea lutseng pel'a hae, na u a e lumela, ka pelō eohle ea hao? U a sotleha, le uena. Na u lumela Molimo a ka mpolella bothata ba hao? Bothata ba phieo. Haeba e le 'nete, tsokotsa letsoho la hao.

¹⁷⁴ Mofumahali ea lutseng pel'a hae, na u a lumela? U hlokofatsoa ke methapo, le ke mahlo a hao. Haeba e le 'nete, tsokotsa letsoho la hao.

¹⁷⁵ Mofumahali ea lutseng pel'a hae, na u a lumela, khaitseli? U siriloe ke seriti. U na le bothata ba mala, ke mofetše o maleng. Na u lumela Molimo a u folisitse? Amen.

¹⁷⁶ Na le a lumela? Na mahlo a lōna a ka tutuboloha 'me la lumela hobane Ke Mora oa Molimo? Ka hona, haeba le etsa joalo, emang ka maoto a lōna le Mo amohele, 'me le e lumele ka pelō eohle ea lōna, ho re ke Eèna maobane, kajeno, le kamehla. "Oho Jesu, Uena Mora Davida, nkhauhele!"

Se mphete, Uena 'Moloki ea ratoang,
Utloa sello sa ka se mosa;
Ha U ntse u sitsa ba bang,
Se mphete le 'na.

U Seliba sa matšeliso ho 'na,
U fetisa le motsoalle ho 'na,
Ke na le mang lefatšeng haese Uena?
Kapa mang Leholimōng haese Uena?

¹⁷⁷ Ho etsahetse'ng? Tumelo ea hao, joaloka mokōpi ea sefov, e Mo biletse temeng. Amen. Na le a e lumela? [Phutheho e re, "Amen."—Mohl.] Oh, mola oa thapelo ha u hlokahele. Ba ba kae ba lumelang hoba le folile, le hona? Phahamisa letsoho la hao, ho Mo rorisa! Amen. Le folile.

¹⁷⁸ Jesu Kreste o har'a rōna, eo Ea haotseng le Jeriko, ea tsebileng Zakea ka lebitso, ea tsebileng Bartimea. Ke Morena Jesu eo, mona ka sebopheho sa Moea o Halalelang, o mona, bosiung bona, ho etsa tsona lintho tseo A li entseng, ho kholisa ka ho sa fanyeng hobane ke Eèna maobane, kajeno, le ka mehla. U se lumelle litumeloana, le lithutamolimo, le lisitahlohoana tse batang, ho u pupetsa. U ka pel'a Sefahleho sa Jesu Kreste, Ea bonahatsoang har'a lōna. Amen. Ke e lumela ka pelō eohle ea ka. Amen.

¹⁷⁹ Amohela pholiso ea hao, e re, "Ho bokoe Morena! Ke a e amohela."

¹⁸⁰ A re Mo bineleng lithoriso. "Kea Mo rata, kea Mo rata." Na le a Mo rata? [Phutheho e re, "Amen."—Mohl.] "Hoba A nthatile pele." Na le a Mo rata?

Ke a Mo rata,

¹⁸¹ Mo roriseng joale ka pel'a Sefahleho sa Hae. Le a tseba O tlameha ho ba teng mona.

. . . Mo rata
Hoba A nthatile pele
Le ho lefella poloko ea ka

¹⁸² Pholiso hape, le eona. Ke karolo ea pholoso ea hao. U e phethisa kae? Sefateng sa Kalvari—sa Kalvari. Lipelō tsohle tsa rōna!

Kea Mo rata, kea Mo rata,
Ikemisetse eona. Mo rorise!
Hoba A nthatile pele
Le ho lefella poloko ea ka
'Fateng sa Kalvari.

¹⁸³ Oh, ana ha le Mo rate? [Phutheho e re, "Amen."—Mohl.] Tsukutlana le motho e mong ka matsoho, ho re, "Ho bokoe Morena!" Le a ratana, le a Mo rata. Sokolohang feela le tsukutle matsoho le motho e mong, ho re, "Ho bokoe Morena! Ho bokoe Morena! Re thabetse ho ba mona, moena, ke thabo ha re le ka pel'a Sefahleho sa Morena Jesu." Amen. Amen. Ho a babtseha! Oh!

¹⁸⁴ Pauluse o ise, "Ha ke bina, ke bina ka Moea." A re roriseng ka Moea, hape. A re bineng ka Moea.

Kea Mo rata, kea Mo rata, (allelua)
Hoba A nthatile pele
Le ho lefella poloko ea ka
'Fateng sa Kalvari.

¹⁸⁵ Oh, na ha le Mo rate? Na ha A babatsehe? Binang!

Oho ke setsoto, setsoto, Jesu ho 'na,
Moeletsi, Khosana ea Khotso, Ke Molimo o Matla;
Oho oa mpholosa, o mpoloka sebeng le masoabing,
Molopolli oa ka ke setsoto, ho bokoe Lebitso la Hae!

Oho ke setsoto, setsoto, Jesu ho 'na,
Ke Moeletsi, Khosana ea Khotso, Ke Molimo o Matla;
Oa mpholosa, oh, o mpoloka sebeng le masoabing,
Oho Molopolli ke setsoto, ho bokoe Lebitso la Hae!

¹⁸⁶ Ho ka etsahalang hona joale ka pel'a Sefahleho sa Molimo, ka tsela ena?

Ke ne ke lalhlehile, joale ke fumanoe, ke lokolotsoe tsuong,
Jesu oa lokolla o pholosa ka botlalo;
Oa mpholosa, o mpoloka sebeng le masoabing,
Oho Molopolli ke setsoto, ho bokoe Lebitso la Hae!

Oh, a re se bineng ka maikemisetso!

Ke setsoto, setsoto, Jesu ho 'na,
 Moeletsi, Khosana ea Khotso, Ke Molimo o
 Matla;
 Oho oa mpholosa, oa mpoloka, oh, sebeng sohle
 le masoabing,
 Oho Molopolli ke setsoto, ho bokoe Lebitso la
 Hae!

¹⁸⁷ Oh, na ha e le etsetse ho hong, ho le fala, ka hare? [Phutheho e a nyakalla—Mohl.] Setsoalle, oh, maikutlo a makakang! Nke ke ka e ananya ka chelete eohle eo u ka phaellang, ntho efe e sele. E lahlele koana, empa mphe Jesu. Oh, banna! E, monghali. Setsoalle!

¹⁸⁸ Oh, ha se le monate ho tsamaea tseleng ena ea moeti, ho itšetleha ka Letsoho la ka mehla, ho tseba hobane Ke enoa mona! Oh, ke lerato ka chalimo ea pele ea mahlo, ntho e leng ka ho rōna e bitsang! Oh, ntho e kang e—e... sekoahelo se ribolotsoe selibeng, se phorosela metsi feela; 'me ha a ntse a phorosela a tsoa, a eketsa ho phola a eketsa ho nchafala. Amen. Oh, O a babatseha! Na ha A joalo? [Phutheho e re, "Amen."—Mohl.] Kea Mo rata. Lōna ha le joalo? ["Amen."] Oh, banna!

¹⁸⁹ Na ha le ratane? [Phutheho e re, "Amen."—Mohl.] Joale lōna bohole Bamethodise tsukutlanang le Mapentekosta ka matsoho, le lōna Mabaptise, le be mosa feela ruri. Ha u sa khone ho etsa joalo, ha u Mo rate. Ke hantle. Hoba, ba Mo rata, u a Mo rata; O u nkile le litsela tsa hao tse hlollang, O entse le e mong joalo, ha re lumellaneng feela joale. Oh, na ha A babatsehe? ["Amen."] Re e lumela ka lipelō tsohle tsa rōna.

¹⁹⁰ Oh, a re se bineng hape, sena ke sefela sa khale se babatsehang sa kereke, "Kea Mo rata, kea Mo rata."

¹⁹¹ Ha ke khone ho khaotsa ho rialo, hoba A nthatile pele. O nthatile, 'na mofutsana, ea foufalitsoeng ka boomo, ea ratang sebe, mora ea soto oa letahoa, kahar'a liforo, 'me A inama fatše ka mohau oa Hae. Ha ke a amana le eona ka letho. O nkhetihile. Yaa. Ho ka ba joalo joang? Ho ea ka'ng ha hlabahlabane e ka fetoloa koro? E qosa matla a Molimo. Amen. Kea Mo rata. Oh, ke—ke batla ke ikutloa ke halalela hantle joale, ka bona. Ke—ke—ke ikutloa monate.

¹⁹² Kea tseba O teng mona. Ke Eèna. O e tsepisitse. O, O teng mona mahareng a rōna. Kamoo ke Mo ratang! O a babatseha. E a u thabisa ho tseba hobane ha rea tšoanelo ho e hakanya. Ke Enoa, ho Itsebisa hantle Lentsoeng, joalokaha A entse ka mehla, ho e etsa Eèna; ha se tumeloana ea mofuta, ha se ntho ea khopolotaba; empa Molimo o phelang ka Sebele. O ile a Itsebisa joang? E seng tlase Sodoma, empa ho Abraham; 'me joale ho Peō ea Abraham, ka morao ho Eèna, hoo ho supa hoba re Peō ea Abraham. Amen. Oh, banna! Ke hlile ke utloa ke thabile, hantle joale.

Kea Mo rata, (Oh, phororo e kakang ea
lehlohonolo!) kea Mo rata,
Hoba A . . .

Nahanang feela; le pele u Mo rata, O u ratile!

¹⁹³ Morena Jesu, baballa pholiso ea batho bana, Ntate, ba tle ba folisoe, e mong le e mong oa bona. Ka Lebitso la Jesu Kreste, ke a rapela, Morena, bakeng sa khanya ea Hao. Amen.

'Fateng sa Kalvari.

¹⁹⁴ Oh, a re inamiseng lihlooho tsa rōna joale, ka mosa, ka khtuso. U a tseba, re bana feela, le hona. Re bana ba Molimo. Na le bone ngoana ea lokolohileng haufi le motsoali a hae? Motsoali oa hae o mo shebile, ua bona. A re se bineleng ka marameng. [Moena Branham o qala a binela *Kea Mo Rata* ka marameng—Mohl.]

¹⁹⁵ Ho 'Mona a eme mona feela, Topallo ea Mollo e khōlō! O itse, "Ke tsoa ho Molimo; Ke khutlela ho Molimo." E ne e le Logos e nang le Moshe lefelleng, Topallo ea Mollo. O shoetse Kalvari, a tsoha hape. 'Me mohla Saule tseleng ea hae e theohelang Damaseka, Topallo ea Mollo e mo lihetse fatse; a re, "U Mang, Morena?"

O itse, "Ke 'na Jesu."

¹⁹⁶ O tsoile ho Molimo; O ile ho Molimo. Ho bonahatsoa le rōna ka bopaki ba mahlale, ka bopaki ba kereke, ka sohle. "Ke . . ." Ho khutlisa eona ntho ea Hae, ho tlaleha Lentsoe la Hae. Ke toloko. [Moena Branham o binela *Kea Mo Rata* ka marameng—Mohl.]

¹⁹⁷ Na e ke ke ea ba nako e tlotlehileng ho Eèna ho fihla hona joale, ho qamaka le ho bona mang le mang a ntse a fetoloa, ho falla? O tla etsa joalo ka le leng. [Moena Branham o binela *Kea Mo Rata* ka marameng—Mohl.]

¹⁹⁸ Joale ka lihlooho tsa rōna tse inamisitsoeng, butle haholo. [Moena Branham o binela *Kea Mo Rata* ka marameng—Mohl.]

¹⁹⁹ Hopolang, litsébeletso hoseng. Ha u le moeti mona, u se na kereke; balisa ba khabane bana, ba lumela eona Evangel ena ho seng joaloka ba ka be ba sa ntisa mona. Ba amohetsoe ho ea kerekeng ea bona. Ho tsoara tšebeletso e monate hosane, phomolo e monate bosiusing bona, le ho khutlela tšebeletso ea pholiso hosane thapama.

²⁰⁰ [Moena Branham o binela *Kea Mo Rata* ka marameng—Mohl.] Ke hantle. Molimo a u hlohonolofatse, moena.



MOLIMO O HLAHISITSE KONYANA SST64-0620E
(God Has A Provided Lamb)

Molaetsa ona ka Moena William Marrion Branham, sethatong ka Senyesemane a o reriloe Moqebelo mantsiboea, Phupjane 20, 1964, Municipal Auditorium, Topeka, Kansas, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org